

Godt førehandssal på Fanden

26.08.2011

Sjølvaste Vestlandsfanden skal i likheit med i fjor setta punktum for låvedans-sesongen på Dønhaug i morgon laurdag og verten er fornøgd med førehandssalet.

Til no (fredag ettermiddag) er det seld mellom 250 og 300 billetter og det bør vera grunn til å håpa på at det også i år vil koma rundt 400 i låven. Det fortentar både bandet og vi som skal oppleve dansen, for Fanden er i ei klasse for seg sjølv her vest

- Det vil bli seld billetter i porten, men det er ein stor fordel om ein kjøpar på førehand, seier Huglen. Det forenkler operasjonen atskillig.

Vestlandsfanden er naturleg nok seig og uthaldande som figuren bandet er oppkalla etter. No har karane helde det gåande i utrulege 31 år og gjeve ut 14 CD-plater.

Deira særreigne, norskspråklege låtskrivartradisjon har slege an i alle aldersgrupper. No er det snart val og det blir spennande å notera om vi får nokon kommentarar på vers. Mastene i Hardanger vart kommentert i fjor, kan vi hugsa, Plommene var bytta ut med dei...

Men for berre å minna om det: Huglen har lov til å sleppa inn 450!..

Av Ola Matti Mathisen